

«Бекітемін»

ЖШС «Шалхар-Ата» б\б

Меңгерушісі-----А.Медетова.



«Күз жомарт»



Тәрбиеші: Э. Усенбаева.

2023ж

Күз жомарт

Алтын күз келді, бақшама!

Залға музыка әуенімен балалар кіреді.

(Балалар ән ырғағымен залға кіріп, шеңбер бойында тұрады)

Жүргізуші: Береке бақ дарыған,
Жомарт көңіл, жарқын жүз,
Сары алтынға малынған,
Жетті міне, алтын күз!

Армысыздар қадірлі қонақтар!

Сәлеметсіздер ме қымбатты балабақша ұжымы!

Міне, туған өлкемізге алуан түсті жапырақтарын төгіп, толқып, би билеп, ел байлығын арттырып берекелі күз мезгілі де келіп жетті.

- Сәлеметсіңдер ме, балалар! Бүгін біздің зал қандай әдемі, қаншама түрлі - түсті жапырақтарға толы. Балалар, бүгін бізде қандай мейрам? Балалар: Күз мейрамы!

Дениз:

Сарғайды тоғай,
Сап - сары маңай.
Соңғы әнін айтып,
Құс кетті қайтып.

Ақлан:

Күз келді, алақай!
Алтын толды далаға
Дәнді дақыл, бидайды
Құйып жатыр қамбаға.

Азамат:

Жайдарлы күз, жомарт күз.
Аяулы күз, алтын күз.
Дөнге толы кең далам
Дариядай шалқып жүр.

Ән: «Алтын күз». Орындайтын: Хор.

(Балалар отырады, тарсылдаған жаңбырдың дауысы естіледі).

Жүргізуші: Ой, балалар! Естіп тұрсыңдар ма? Жаңбыр жауайын деп тұрған сияқты. (Жаңбырдың даусымен залға бұлт кіреді).

Бұлт: Сәлеметсіңдер ме, балалар!

Балалар: Сәлеметсіз бе?

Бұлт: Күзгі көк бұлт мен болам,
Көтеріліп теңізден,
Аспанға биік барамын,
Қаласам қазір сендерге,

Жаңбыр болып жауамын.

(Балаларға жаңбыр шашады).

Жүргізуші: Жаңбыр жаумай тоқтай тұр,

Дабылыңды соқпай тұр.

Саяғыңды түгендеп,

Үйіріңді соқпай тұр!

- Біз сен жайлы ән білеміз және осы әнді саған сыйлаймыз.

Ән: «Жау жау жаңбыр»

Айару:

Келді міне күз

Айнала сары түс.

Керемет, тамаша

Қандай әсем күз.

Айлин:

Нұрға бөлеп өмірді,

Жырға бөлеп көңілді

Жарқыраған сәулелі

Күз әуені төгілді.

Әбілхайыр:

Берекесін сыйлауға,

Өлкемізгк күз келді.

Жемістерін жинауға

Шақырады біздерді.

Ерсұлтан:

Күзім-ау, күзім-ау,

Мінезің бұзық-ау

Жаңбырың сіркіреп

Келгенің қызық-ау.

Алинұр:

Көбейді құт береке

Астық толы қамбамыз.

Құтты болсын мереке

Алтын күзді тойлаймыз.

П.Ернұр:

Жапырақ ұшты,

Суықта түсті.

Сондада бізгеу

Қызық көп күзде.

Әділхан:

Құстар қайтты ән салып
Бұлт шарлады аспанды.
Қыс келеді жар салып
Күзгі суық басталды.

Мұхит:

Алақай! Алақай!
Шаттанды балақай!
Күз түсті дән пісті
Айтамыз алғысты.

Сезім:

Қамба толы астыққа
Алғыс саған алтын күз.
Бір уыс дән шаштықта
Қап -қап қауын алдық біз.

Фариза:

Алтын, сары, қызыл, көк,
Алуан-алуан жапырақ
Күзгі бақта күлімдеп,
Көз тартады атырап.

Нұрасыл:

Соңғы шуақ төгіліп,
Сап-сары болып тұр аймақ.
Ақ сәулеге шомылып,
Жапырақтар тұр ойнап.

Абдурахман:

Думан толы асқарлы
Күз мезгілі басталды
Күз әуені кеп жетті.
Әнге бөлеп жастарды.

Жанерке:

Қарашы күз келді, күз келді
Жапырақ жауыпты іздерді
Құс біткен керуен тізеді,
Қара бұлт қабағын түйеді.

Аяла:

Жеміс –жидек пісті
Қамбаға астық түсті
Қызу жұмыс басталды

Жинап алды жан салып.

Айханым:

Ән салыңдар күліңдер
Жайнап гүлдей жүріңдер
Күздің тойын тойлайық
Би билейік, ойнайық.

Бағымай:

Күзде дала жаурайды
Көкте бұлттар аунайды
Бұтағынан үзіліп
Жапырақтар саулайды.

Айбар:

Алқаптан бидайды
Қоймаға ел жинайды
Тырналары тізілген
Ұнатамын күзді мен.

Бақберген:

Пісіп тұрған алмамын.
Тамсандырар бал дөмім.
Жерге сілкіп түсірме,
Ісіп кетер маңдайым.

Алихан:

Мен өріктен ірімін,
Алма, алмұртқа інімін
Тәттілердің бірімін,
Дастарханның гүлімін.

Ж. Елнұр:

Қызыл қырман басында
Ақ бидайды сапырған
Диқандардың қасында
Күз есепші отырған.

Айсұлтан:

Қоңыр салқын тарады,
Қайнаулар менсайлардан.
Қаздар қайтып барады,
Қайтқан елдей жайлаудан.

Бұлт: Рахмет, балалар! Қандай әдемі ән! Сендер жаңбырдан қорықпайсыңдар ма?

Балалар: Жоқ.

Бұлт: Аяқтарыңды сулаймыз деп қорықпайсыңдар ма?

Балалар: Жоқ.

Бұлт: Қалай сендер барлықтарың батылсыңдар? Сендердің ойнағыларың келеді ғой, олай болса «Кім жылдам жинайды» ойынын ойнаймыз.

(Үстел үстінде жемістер мен көкөністер шашылып жатады. Екі бала шығып, себетке жемістер мен көкөністерді себетке жинайды).

Бұлт: Балалар, сендер барлығың жылдам және шапшаң екенсіңдер.

Жүргізуші: Бұлт, сенімен өте көңілді. Балалар сенімен ойнады, күлді, бірақ бізге әлі де біреу жетіспейтін сияқты. Бізде күн жоқ екен. Қане, балалар, бәріміз мейрамымызға күнді қонаққа шақырайық. (Балалар орындарына отырып, қолдарын шапалақтап, аяқтарың тыпырлатып, күнді шақырады). Күн келеді.

Күн: сәлеметсіңдер ме балалар? Сендер мені шақырдыңдар ма достарым?

Балалар: Иә.

Күн: Мен жарқырап төбеде,
Нұрын төгіп тұратын.
Шуақ шашып бәріне,
Бала жанын ұғамын.

Бұлт: Күн, күн, тоқтай тұр!
Сөзіме менің құлақ тұр.
Ішім толы суға,
Сусыз өмір болама?

- Ендеше мен бәріне керекпін, мен мықтымын!

Күн: Жоқ, мен мықтымын!

(Бұлт пен Күн дауласып, аяқтарын топылдатады)

Жүргізуші: Тынышталыңдар, Дауласпаңдар! Балалар, күн мен бұлтты татуластыру үшін күзді қонаққа шақырайық.

Осы кезде ортаға билеп ішке сары киім киген түрлі-түсті жапырақтар тағынған алтын күз келеді.

Күз: Той тойлап жатсыңдар ма?

Күз күні осындай тамаша

Мен келдім сендерге асыға

Ерінбестен еңбек етіп келетін.

Сәлеметсіңдер ме, балалар!

Сендер мені шақырдыңдарма?

Жүргізуші: Сәлеметсің бе, Алтын Күз! Сені шақырған біздің балалар. Алтын Күз сіз бізге көмектесіңізші. Бұлт пен Күн екеуі кім мықты?, кім бірінші? Деп дауласып жатыр.

Күз: Олар неге олай дауласады? Қане, балалар, Күн мен Бұлтты татуластырайық. Ол үшін Бұлт пен Күннің көңілін көтерейік.

Ол үшін біз би билеп ән шырқайық.

Би: «Жапырақтар»

Би: «Саңырауқұлақтар»

Би: «Қырманға кел қалқатай»

Күз: Біздің достарымыз Күн мен Бұлт қайда кетіпті.

(Бұлт пен Күн себетке жемістермен көкөністерді балаларға алып келеді)

Күз: Ендеше ешқашан дауласпаңдар, дос болыңдар!

(Күн, Бұлт, Күз) : Ал, балалар сау болыңдар!

Жүргізуші: Балалар, міне біздің мейрамымызда аяқталды. Бірақ күз бізбен әлі қоштаспайды. Біз далаға серуенге шыққанда онымен кездесеміз.

Берекелі бақ-дәулет,

Арта түссін тойланып.

Сау болайық бәріміз,

Келгенше күн айналып!

